



# Megagaru ya ga Abele

Mutugi Kamundi  
Setswana



African  
Storybook.org



Bogologolo tala kwa motseng wa Maropeng, go ne go na le monna a bidiwa Abele.

O ne a rata go ja nama thata.

Ka letsatsi lengwe, kgosi ya motse wa Maropeng e ne ya laletsa baagi botlhe moletlo wa lenyalo la morwa wa gagwe.





Abele o ne a utlwa gore go nale moletlo o mongwe kwa motseng wa Makau.

“Eish! Meletlo e mebedi ka letsatsi le lengwe!” Abele a nagana.



“Ke tshwanetse go ya kwa go yona ka bobedi”, ga rialo Abele.

“Ke tla ya pele kwa Makau, ke boe ke boele mo Maropeng.”

Abele o ile a tsoga phakela mme a ya kwa motseng wa Makau.

O ile a lemoga gore moletlo ga o ise o tshimolole.

"Ke tla boelamorago kwa Maropeng mme ke tla boela mo Makau motshegare," Abele a nagana.





Abela o ne a boela Maropeng a gopotse gore o tla fitlhela nama e butswile.

Ka nako e o ne a tshwerwe ke tlala thata.

Fa a goroga, batho ba ne ba setse ba sa apaya nama.

"Ke tlogetse baapei kwa Makau ba apaya," a nagana. "Ke nagana gore ba feditse jaanong."

Abele a swetsa go boela kwa Makau.







Fa Abele a goroga kwa Makau,  
batho ba ne ba setse ba feditse go  
ja.

Batla-moletlong ba ne ba fa  
monyadi le monyadiwa dimpho.

Abele o ne a le pelo e e maswe.

O ne a sena mpho go fa banyadi.

O ne a batla fela go ja.



Abele o ne a swabisitswe ke go fitlhela dijo di fedile.

O ne a nagana go boela morago kwa motseng wa Maropeng.

Ka gonne o ne a tshwerwe ke tlala ebile a lapile, o ne a sa kgone go tsamaya ka bonako.

Fa a goroga kwa motseng wa Maropeng, batho ba ne ba bina ebile ba ja tlhako.


Ba ne ba setse ba feditse go ja dijo tsotlhe.



Fa a utlwa gore dijo di fedile, Abele o ne a idibala.

O paletswe ke go bona nama kwa meletlong eo e mebedi.

Fa a idibologa, a fiwa motogo mo bikitshaneng!





Ka bonya, o ne a ya gae a tshwerwe  
ke tlala mme a utlwile botlhoko.


# Megagaru ya ga Abele

Writer: Mutugi Kamundi

Illustration: Alex Zablon

Translated By: Lorato Trok

Language: Setswana



© African Storybook Initiative, 2014



This work is licensed under a Creative Commons Attribution  
(CC-BY 4.0) Version 4.0 International Licence

Disclaimer: You are free to download, copy, translate or adapt this story and use the illustrations as long as you attribute or credit the original author/s and illustrator/s.

**Saide**   
South African Institute  
for Distance Education

[www.africanstorybook.org](http://www.africanstorybook.org)  
A Saide Initiative